


# 001 Kiu mi estas?




Saluton!  
 Kio mi estas?  
 Bakisto? Instruisto?  
 Maristo? Aktoro?  
 Tajloro? Farmisto?  
 Komputisto?



Ne! Ne! Ne!  
 Mi ne estas bakisto.  
 Mi ne estas Instruisto.  
 Mi ne estas maristo.  
 Mi ne estas aktoro.  
 Mi ne estas tajloro.  
 Mi ne estas farmisto.  
 Mi ne estas komputisto.  
**Mi estas spiono!!**  
 Sed, ŝŝŝŝ! Tio estas sekreto!






|                                |                            |                    |                     |         |
|--------------------------------|----------------------------|--------------------|---------------------|---------|
| <b>k</b> = litero (konsonanto) | <b>a</b> = litero (vokalo) | <b>ka</b> = silabo | <b>kato</b> = vorto | = bildo |
| <b>t</b> = litero (konsonanto) | <b>o</b> = litero (vokalo) | <b>to</b> = silabo |                     |         |

## Ligu la bildojn kaj la vortojn!

Nomu la objektojn kaj bestojn. Ligu ilin kun la lokoj kaj la homoj:



### LOKOJ:

1. bakejo
2. farmbieno
3. komputilejo
4. kudrejo
5. lernejo
6. ŝipo
7. teatro
8. sekretejo

### HOMOJ:

- A: aktoro
- B: bakisto
- C: instruisto
- Ĉ: farmisto
- D: komputisto
- E: spiono
- F: tajloro
- G: maristo

## Loku la vortojn!

Kio estas bakisto? Bakisto estas homo. Kio estas pano? Pano ne estas homo. Pano estas objekto. Pano ne estas maŝino. Komputilo estas objekto (kaj maŝino!). Kio estas mevo? Mevo estas besto. Kio estas teatro? Teatro estas loko. Kio estas muso? En bakejo, ĝi estas besto, en komputilejo, ĝi estas objekto.

*Loku la vortojn en la ĝustaj kolumnoj:* aktoro, bakejo, bakisto, bovino, ekrano, farmisto, flago, forno, hundo, instruisto, jako, jupo, komputilo, kudrejo, lampo, lernanto, lernejo, masto, mevo, muso, pano, pantalono, podio, porko, porkejo, printilo, robo, skanilo, skarabo, spiono, ŝafo, ŝtofo, tabulo, tajloro, teatro, telefono.

| OBEJKTOJ (MAŜINOJ) | OBEJKTOJ (NE-MAŜINOJ) | LOKOJ | BESTOJ | HOMOJ |
|--------------------|-----------------------|-------|--------|-------|
|                    |                       |       |        |       |
|                    |                       |       |        |       |
|                    |                       |       |        |       |
|                    |                       |       |        |       |
|                    |                       |       |        |       |
|                    |                       |       |        |       |

## Ordigu la vortojn!

*Jen vortoj el la umo. Sed la literoj estas en malbona ordo – fakte ili estas en alfabeto ordo. Ordigu ilin:*

ajko, dioop, amost, fooŝt, aeknor, afglo, dhnou, almop, binoov, iklmooptu, aiklnos, ablotu, aeortt, aimorst.

*Miksu vortojn mem el la umoj kaj testu unu la alian!*

# 002 Kiu mi estas?



En Parizo, mi estas Petro



En Romo, mi estas Rolando



En Moskvo, mi estas Marcel



En Toronto, mi estas Trevoro



En Sidneo, mi estas Sonja  
(kun falsa peruko)

## Kio estas demando?

La aktoro eraras.

Hamleto ne diras:  
 "Ĉu esti aŭ ne esti?  
 Jen la respondo!"

Hamleto diras:  
 "Ĉu esti aŭ ne esti?  
 Jen la demando!"



## Demando-tabelo

Por demando estas respondo. Kiu?

|    | Demando                         |   | Respondo                    |
|----|---------------------------------|---|-----------------------------|
| 1  | Kio estas por tajloro?          | A | Mar-birdo.                  |
| 2  | Kio estas gastronomo?           | B | Aktoro (fama).              |
| 3  | En kio estas tabulo?            | C | Rolando Jenon.              |
| 4  | Kio estas por Trevoro?          | Ĉ | Farmisto Rik Oltelsek.      |
| 5  | En Romo, kiu estas 005?         | D | Trevoro Sabund.             |
| 6  | Kio estas en la komputilo?      | E | Hundo kaj ŝafo kaj porko... |
| 7  | Kiu estas en Sidneo?            | F | Sonja Tralini.              |
| 8  | Kio estas mevo?                 | G | Pano.                       |
| 9  | En Parizo estas kio?            | Ĝ | Persono kiu manĝas kaj ☺.   |
| 10 | Kio estas por farmisto?         | H | Navigisto (malbona).        |
| 11 | En forno estas kio?             | Ĥ | Granda vesper-manĝo.        |
| 12 | Kiu estas gastronomo?           | I | Marcel Tertraf.             |
| 13 | En Romo, kio estas 005?         | J | Ŝtofo kaj kudrilo.          |
| 14 | Kiu ne estas en Monako?         | Ĵ | Skarabo (program-eraro).    |
| 15 | Marcel estas kio en ŝipo?       | K | Mateno kaj maten-manĝo.     |
| 16 | Kiu estas 005 kun falsa peruko? | L | Lernejo.                    |

2 + 2 = ?  
 ?  
 2+2 = 4  
 2+2 = 5

Tio estas demando.  
 Tio estas demando-signo.  
 "4" (kvar) estas respondo;  
 vera, bona, prava respondo.  
 "5" ( kvin) estas respondo;  
 malvera, malbona, malprava,  
 erara kaj falsa respondo.

"Kiu vi estas?"  
 "Mi estas 005."

Tio estas demando.  
 Tio estas respondo; vera  
 respondo.

"Kio vi estas?"  
 "Mi estas spiono."

Tio estas demando.  
 Tio estas respondo; vera  
 sed stulta respondo – tio  
 estas sekreto.



Davido demandas. 005 respondas.

## Roĵ-ludu kaj demandu:

Grupanoj elektu esperantajn nomojn kaj profesiojn. Elektu el tiuj en umo 001; via gvidanto proponos aliajn. Elektu urbon en kiu vi estas.

Desegnu (☺), eltondu (☒) kaj nomu kvin objektojn aŭ bestojn – ili rilatu al via profesio.

Ĉiu prezentu sin: diru la nomon, profesion, urbon. Montru kaj prezentu la objektojn kaj bestojn. Diru, ekzemple: Mi estas piloto. Tio estas ĉapo, tio estas jakso, tio estas kompasoj, tio estas aviadilo kaj tio estas flugplano.

Poste demandu unu al la alia, ekzemple: Kiu vi estas? Kio vi estas? En kiu urbo vi estas? Kio estas tio? (pri objektoj) Por kiu estas la flago? Kaj tiel plu... (ktp)...



Al la demando: "Kio estas la partnero de demando?", "Respondo" estas la respondo

# 003 Mi sportas




Mi saltas!

Mi grimpas

Mi falas



Mi gimnastikas



Mi plonĝas



Mi naĝas



Mi tenis-ludas!



Mi futbal-ludas




Fine, mi dormas

## Kiu sportas kie?

005 iras ok lokoj. Li sportas en ok lokoj. Sed la nomoj? Ok nomoj — sekretaj.

| Kiu     | Kion faras   | Kie           |
|---------|--------------|---------------|
| Gustavo | grimpas      | en Gabono.    |
| Sonja   | saltas       | en Singapuro. |
| Normano | naĝas        | en Najrobo.   |
| Alano   | akrobatas    | en Adelajdo.  |
| Petro   | plonĝas      | en Parizo.    |
| Barto   | basbal-ludas | en Bostono.   |
| Rodrigo | rul-sketas   | en Rio.       |
| Doroteo | dormas       | en Damasko.   |



Estas sportoj por unu homo, estas sportoj por du personoj. Denove 005 iras ok lokoj. Li sportas en ok lokoj. Denove, li uzas sekretajn nomojn.

| Kiu    | Kion faras  | Kie           | Kun kiu     |
|--------|-------------|---------------|-------------|
| Petro  | paf-arkas   | en Pekino     | kun Li.     |
| Keneto | kuras       | en Katmanduo  | kun Kunio.  |
| Tomaso | tenis-ludas | en Toronto    | kun Tereza. |
| Ŝila   | ŝak-ludas   | en Moskvo     | kun Perla.  |
| Bruto  | boksas      | en Bordoĝo    | kun Bruno.  |
| Sonja  | saltas      | en Sidneo     | kun Rik.    |
| Roĝero | remas       | en Oksfordo   | kun Niĝelo. |
| Dora   | dancas      | en Dareselamo | kun Sentak. |



## Por spiono estas sekreta frazo

Elektu el la unua, plej supra tabelo unu sekretan kvar-vortan frazon. Elektu la vortojn el malsamaj kolumnoj. Ekzemple: Gustavo tenis-ludas en Najrobo. Unu lernanto estu spiono. La spiono havu sekretan premion. La gvidanto kaj la spiono skribu la sekretan frazon. Lernantoj venu unu post unu kaj diru frazon. La spiono raportas al ĉiu la sukceson de la diro:

- Malbona. Neniu vorto estas bona.
- Boneta. Unu vorto estas bona.
- Bona. Du vortoj estas bonaj.
- Bonega. Tri vortoj estas bonaj.
- Bonega, perfekta! La frazo estas bona. Vi gajnas. Jen via premio.

Lernantoj diras frazojn ĝis unu diras la frazon bone. Poste, ludu per ses-vortaj frazoj, tiuj el la dua tabelo. Pli poste, konstruu viajn proprajn tabelojn!

## Vera aŭ malvera?


1. Barto basbalas en Bostono.
2. Roĝero rul-sketas en Rio.
3. Dora dancas en Damasko.
4. Normano naĝas en Najrobo.
5. Petro aktoras en Romo.
6. Petro estas farmisto en Aŭstralio.
7. Sonja saltas en Singapuro kun Rik.
8. Tomaso tennis-ludas en Tokio.
9. Ŝila ŝakludas kun Perla.
10. Roĝero remas en Kembriĝo.
11. Porko estas por aktoro.
12. Ŝipo estas por maristo.
13. Kodlibro estas por spiono.
14. Tondilo estas por komputisto.
15. Verda stelo estas por 005.

# 004 Luko kaj Lunjo





Venas Luko. Li venas. Venas Lunjo. Ŝi venas.

005 salutas lin. 005 salutas ŝin.



005 frapas la sakon. Li frapas ĝin

Ago = frapas  
 Aganto = 005  
 Suferanto = sako.  
 Ni markas la suferanton!  
 Do,  
 Li frapas la sakoN



Ligu la fraz-partojn. Kiu faras kion? (Maldekstre estas subjektoj, dekstre verboj kaj objektoj, kun -N).

La bakisto...  
 La instruisto...  
 La lernanto...  
 La aktoro...  
 La teknikisto...  
 La farmisto...  
 La tajloro...  
 La komputisto...  
 La maristo...  
 La sportisto...

skribas programon.  
 tenas kranion.  
 melkas bovinon.  
 bakas panon.  
 uzas muson.  
 ĉasas muson.  
 lernas matematikon.  
 uzas fornon.  
 forgesas tekston.

tondas ŝtofon.  
 levas kurtenon  
 hisas flagon.  
 ĉasas skarabon.  
 ludas tenison.  
 kudras ŝtofon.  
 movas lampon.  
 havas skanilon.  
 tondas la lanon de ŝafo.

nutras porkon.  
 vidas mevon.  
 havas hundon.  
 instruas matematikon.  
 kreas jupon.  
 uzas klavaron.  
 stiras ŝipon.  
 kreas jakon.



# 005 Jen mia paĝo!

Nulo, nulo, kvin.  
Tio estas mia  
numero. Do, jen  
mia paĝo.

Jen mia  
pilko!

Jen mia  
sako! Tio  
estas mia  
sako. Unu,  
du, tri!

Jen mia  
pezo. Tio  
estas mia  
pezo.

Kio?  
Montru  
ĝin al mi

Tio, tio en  
mia mano!

Kaj jen  
kio?

Jen mia  
stulteco!

Jen mia kod-libro.  
Ĝi apartenas al mi.

Jen mia  
poŝo. Mia  
pantalona  
poŝo..

Jen mia  
poŝ-lampo.



Jen mia  
mapo.  
Ĝi apartenas  
al mi.  
Kie mi estas  
sur la mapo?  
Bedaŭrinde,  
tio estas  
sekreto.

Jen mia  
teko. Ĝi  
apartenas  
al mi.  
Mi portas  
ĝin.

TEKO kun  
SEKRETOJ



Jen mia pasporto.  
Ĝi apartenas al mi.



### PASPORTO



La stato de **'SEKRETO'**  
insistas ke vi donu liberan  
trairon kaj senpagajn trinkaĵojn  
al mia fidela sed sekreta spiono  
**00X**, sen obstaklo, malhelpo,  
bloko, bato, baro (krom por la  
trinkaĵoj), miso, malico,  
malpaco, aresto, turmento,  
mortigo-provo, torturo kaj  
dirado de malbelaj nomoj.



foto:  
(kun sekreta  
barbo)

Nomo: Pinta Stel'

Sekreta numero: 005

Adreso: 2 Babunda Voj'

Urbo: Peturbo

Lando: ŝtata sekreto

Valida ĝis: morgaŭ, stultulo!  
(centre vi malatentis tion!)

Jen mia foto.  
Kun sekreta  
barbo.



Jen mia nomo  
kaj mia sekreta  
spiona numero!  
Jen mia adreso,  
kaj mia urbo, kaj  
mia lando.. ho,  
ne! Bedaŭrinde,  
tio estas sekreto.

Jen mia pasporto.

Mi loĝas en tiu strato.

Mi loĝas en tiu urbo.

Mi loĝas en tiu lando.

Mi loĝas en tiu  
kontinento.

Kaj en tiu mondo.



foto:  
(sen sekreta  
barbo)

Nomo: Lunjo Gurta

Strato: 5 Tesenca Strat'

Urbo: Kukurbo

Poŝtkodo: 1834

Lando: ne estas ŝtata  
sekreto

Valida ĝis: hieraŭ, stultulo!  
(centre vi malatentis tion!)



foto:  
(kun sekreta  
vizaĝo)

Nomo: Perko Danot

Sekreta numero: 003

Adreso: 3 Viala Voj'

Urbo: Mururbo

Lando: Barlando

Valida ĝis: ŝtata sekreto

1. Kiu loĝas en Kukurbo?
2. Kiu loĝas en Mururbo?
3. Kiu loĝas en Perturbo?
4. Kiu loĝas en Strato?
5. Kiu loĝas en domo du?
6. Kiu loĝas en domo tri?
7. Kiu loĝas en domo kvin?
8. Kiu havas poŝtkodon?
9. Kiu loĝas en Barlando?
10. Kiu ne havas sekretan numeron?
11. Kiu pasporto validis ĝis hieraŭ?
12. Kiu pasporto validos ĝis morgaŭ?
13. Kiu pasporto validos ĝis nekonata dato?

Mi estas farmisto.

Jen mia hundo.

Jen mia \_\_\_\_\_.

Jen m \_\_\_\_\_.

Jen \_\_\_\_\_.

Ili apartenas al mi!




Mi estas \_\_\_\_\_

Jen \_\_\_\_\_



Mi \_\_\_\_\_

Jen \_\_\_\_\_



Mi estas \_\_\_\_\_

Jen \_\_\_\_\_



### Al kiu apartenas...

- |          |              |
|----------|--------------|
| bovino?  | podio?       |
| mapo?    | forno?       |
| tondilo? | teko?        |
| flago?   | sako?        |
| pano?    | ŝafo?        |
| tabulo?  | ekrano?      |
| porko?   | ŝtofo?       |
| skanilo? | muso?        |
| pilko?   | pasporto?    |
| jako?    | kranio?      |
| kranio?  | poŝlampo?    |
| masto?   | skarabo?     |
| klavaro? | falsa barbo? |